

www.BibleForChildren.org

मत्ती 1



एलीशीबामी आल कुरशो ६ महिना दुम्मेनु, परमप्रभु यावे आ
स्वर्ग डा गेय पाइबे गाब्रीएल गालील रागी डा नासरथ सहर
सोइकचा पुंइसे बाक्त। मेकेर मरीयम नें पाइशशो मीश आल का
बाक्माक्त। मरीयम दाऊद आ थर डा योसेफ माइशशो वोंइश
मुर नु ग्युंबे पचशो बाक्माक्त।



मिनु गाब्रीएलमी “ए मरीयम, महिनो।
परमप्रभु यावेमी इ कली दाक्शा योवते।
गे मुल कोवज करशा, तौ का थीनेवे।
मिनु इ तौ कली येसु नें वोतो। मेको
ठेयब दुम्ब। मेको कली नेल्ल क्येडा
ठेयब आ तौ देंनीम। मिनु
परमप्रभु, परमप्रभु यावेमी मेको
कली आ किकी पिपी दाऊद आ
ठेयब नित्तीके गेब। मिनु मेको याकूब
आ खिं डा मुर, यहूदी आन पिप दुम्शा,
हुकुम पाइब। मिनु आ राज्य गेनायो
मैनुप्ब” देंमाकत।



मरीयममी मेको लोव नैशा “गो मुल सम्म
ग्युंवे मपशो बाक्नुड। गो वोंइश मुंर नु
मइम्ड। इन देंशो दोपा दुम्ने चाप्बा डी?”
दे हिल्लो पवानु “परमप्रभु यावे आ
सोक्तीमी इ कली सम्बा। मिनु नेल्ल
क्येडा ठेयब आ सकित ताइनेवै।
मोपतीके इ आल परमप्रभु
यावे के बाक्ब। मेको
कली परमप्रभु यावे
आ तौ देंनीम।”




मिनु नोले मरीयम यहूदीया रागी डा पहाडी सहर
कामौ बाकशो एलीशीबा कली गुमथ लमाक्त।
मिनु जकरिया आ खिं ओवशा, एलीशीबा कली सेउ
पवा बाक्त। मरीयम आ सेउ
ताकगानु, एलीशीबा आ
कोवज डा आल प्रेक्माक्त।
मिनु परमप्रभु यावे आ
सोक्तीमी एलीशीबा कली
प्रिंदा बाक्त। मिनु ठेयब
सैंदा पा मरीयम कली
“मीश मुर नेल्ल आन
दातेमी गे आसीक ताइब
बाक्नेवे। इ कोवजडा आल

आसीक ताइब बाक्ब।”



येसु ख्रीस्त जरमेचा कली दोदेंशो दुम्माक्त देंशा हना, मरीयम
योसेफ कली गेशा लोव खोइकने
थुम्शो बाक्माक्त। मिनु योसेफमी
मरीयम कली ग्यंबे पा आ खिं
लाइकचा कयेडा डोंइती मरीयम
आल करशो बाक्माक्त। मेको
आल चहिं मुर आ आल
ममाइ। परमप्रभु यावे
आ सोक्त रे पा दुम्शो
बाक्माक्त। मिनु योसेफमी
“मरीयम आल करशो
बाक्माक्त” दे तुइशशा “मुल
प्रोंइचा दुम्ती” दे मिम्ता बाक्त।
योसेफ रिम्शो मुर बाक्माक्त।
मोपतीके “मरीयम कली मुने
मतोकचा” दे मिम्शो बाक्माक्त।



मिनु “गो प्रॉइचा दुम्ती” दे मिम्ना मिम्न बाक्मेनु, काबु डोमु
तवा बाक्त। मिनु डोमु तवानु, परमप्रभु यावे आ स्वर्ग डा गॅय
पाइबमी “दाऊद आ तौ योसेफ नेनो। मरीयम
कली प्रॉइनुड, दे ममिम्तो। महिंथु इ खिं
लाइशा वॉइसो। आ कोव्रजम बाक्शो चहिं
परमप्रभु यावे आ सोक्त के बाक्त। नोले तौ
का थीबे। मेको कली येसु नें वोतो। मारदे हना
मेकोमी आ मुर आन कली पाप रे
प्रॉइब” दे तुइक्पदा
बाक्त।



योसेफ निन्द्रा रे सेंसीशा बोकशा, परमप्रभु यावे आ स्वर्ग डा
गेय पाइब आ लोव टिशा, मरीयम कली आ खिं लदा बाक्त।
मरीयम नु मइप्थु, तौ का थिमाक्त।
मिनु मेको कली येसु नें वोदा बाक्त।



मिनु मेना सिजर अगस्टसमी “रागी नेल्ल डा मुर आन नें
ब्रेक्शा हिक्या नमी” दे हुकुम पवा बाक्त। मिनु मुर नेल्ल आन
नें ब्रेक्पाइक्या कली आन थर
डा सोतीक बोतीक गाउं गाउं
सहर सहरम
जाकदीम्मा
बाक्त।



योसेफ पिप दाऊद आ खिं डा बाकमाक्त।



पिप दाऊद आ खिं डा मुर आन सोतीक बोतीक बेथलेहेम
सहर बाकमाक्त। मोपतीके योसेफ आ मीश मरीयम कली
लाइशा, गालील रागी डा
नासरथ सहर रे यहूदीया रागी
डा बेथलेहेम
सहर लमाक्त।
मोपा आस नैं



ब्रेकपाइकथ लसानु, मरीयम कोवज कुरशो बाकमाक्त।



मिनु बेथलेहेम सहरम
जाकदीस्सा नोले मरीयम
आल थितीक रोड़ पवा
बाक्त।



मेकेर बास बाक्तीक खिं मथित्थु, गोठ कामी बास बाक्सा
बाक्त। मिनु गोठम बाक्सानु, मरीयममी तौ का थिशा,
वाम गिल्शा, शुंगुम इप्पदा बाक्त।





मेकेर गोठलापुकी बाकमा बाक्त। मेकोपुकी नाक्टो रूम बाक्शा,
आन भेडा खाल पशो बाकमा बाक्त। मिनु परमप्रभु यावे आ
स्वर्ग डा गेय पाइब का गोठला आन

बाक्तीकेम फो गूमाक्त। मिनु
परमप्रभु आ
छेडछेडमी
मेको गोठला
आन एर औंथ

ठेयब हाम्सो सेला
बाक्त। मेको तशा
गोठलापुकी शुश
हिंमा बाक्त।



तन्न परमप्रभु यावे आ स्वर्ग डा गेय पाइबमी “महिनीने।
गो इन कली नु मुर नेल्ल आन कली ग्येरपाइक्ब लोव
नैपाइक्थ जाकती। एको ग्येरपाइक्ब लोव
दोदेंशो बाक्ब देंशा हना,

मुलाकदो
पिप दाऊद
आ सहरम
आल का

जरमेसाक्व।”



“मेको नक जरमेशो आल पाप रे प्रॉइब, प्रभु येसु ख्रीस्त
बाक्ब। आं लोव थमा बाक्ब, दे दोपा तुइक्नीनी देशा हना,
गे मेको नक जरमेशो आल कली वाम
गिल्शा, शुंगुम इप्पाइशो
थित्नीनी”
दैमाक्त।



“मिनु सरीड रे परमप्रभु यावे आ स्वर्ग डा गेय पाइब
शुश फो फु गूशा, परमप्रभु यावे कली ठेयब
सैल्शा नेल्ल कयेडा इर डा परमप्रभु यावे
नेल्ल कयेडा ठेयब बाक्ब।



आ दाक्शो मुर आन
कली थुं नाइशशा
बाक्चा गेब” दे


कुम्सो पामे बाक्त।



मिनु परमप्रभु यावे आ स्वर्ग डा गेय पाइब
सरीडं गे लेशशा लमा बाक्त। मिनु
गोठलापुकीमी “बेथलेहेम सहर लय। एको
परमप्रभुमी तुइकपाइशशो लोव कोवथ लय”
देंमुमा बाक्त।”



“मिनु दोरशा जाकदीशशा कोवडमेन, मरीयम नु
योसेफ थित्मे बाक्त। मेकेर नक थिशो आल यो
शुंगुम इप्पाइशशो तामे बाक्त। मेको नेल्ल तशा,
आल आ पबर्म नैशो लोव शुश मुर आन कली
तुइक्पदमे बाक्त।”





येसु यहूदीया रागी डा
बेथलेहेमे सहरमी
जरमेसे बाक्त। मेना
मेकेर हेरोद पिप
बाक्माक्त। मिनु
येसु जरमेसेनु,
सोरुल



कोवशा, जोक्ब तुइक्ब नां दाप्तीक रे
यरूसलेममी जाक्मा बाक्त।




मिनु यरूसलेममी
जाक्शा “यहदी आन
पिप ते जरमेसे? मारदे
हना गोपुकीमी पूर्व डा
रागीम आ सोरुले
ताइतक। मिनु



गो मेको कली ठेयब सेल्थ
जाक्तक। ते बाक्मा?” देंमा बाक्त।



मिनु हेरोदमी मेको आन लोव
नैशा सुइमी मतुइक्थु, नां
दाप्तीकै रे जाक्शो सौरुल
कोवब आन कली ब्रेत्तीमी
बाक्त। मिनु मेको सौरुल गेना
ग्रूमे, दे रुबा बाक्त। मिनु “लो,
मुल बेथलेहेम सहर लने। मेकेर
जाक्दीशशा, मेको आल मालीन।
मिनु थिश्शा आं कली यो शेंदीन।
गो यो लशा ठेयब सेल्नुड” दे
सोइक्तीमी बाक्त।



मिनु मेकोपुकीमी पिप आ लोव नैशा, आन लां खोदमे बाक्त।
मिनु नां दाप्तीकेमी तशो सोरुलमी आन कली लां कोंइदीमी
बाक्त। लां कोंइना कोंइन नक थिशो

आल बाक्तीके आ सोरुल खा
दिकमाक्त। मिनु ओवशा, आल नु
आल आ ममा मरीयम कली
तामे बाक्त। मिनु
आन पोक्च थेक्शा
आल कली ठेयब
सेल्मे बाक्त।



मिनु आन कुरशो थैलो प्राकशा, सुन धूप नु ब्रोवशो रिना पाइब
थोवक गुंडशा खेत्तमे बाक्त। आल कलौ गुम्ने थुम्शा, आन
रागी लेत्ची ना परमप्रभ यावेमी
डोमुमी “पिप हेरोद कलौ लेंशा
मगुमीने” दे तुइक्पाइक्मी बाक्त।
मिनु यरूसलेम लतीक लां हेरशा,
आन रागी
लेम्मा बाक्त।




मेकोपुकी लमा नोले काबु
योसेफमी डोमुमी परमप्रभु यावे
आ स्वर्ग डा गेय पाइब का फो
ग्रूशो तवा बाक्त। मेकोमी “मोबु
आस कली लाइशशा, एकेर रे
प्रोकशा, इजीप्त रागी
जाकदीशशा, लेत्तीन मदेंड
सम्म बाक्कीन। मारदे हना
पिप हेरोदमी आल कली
साइक्या, दे

माल्या चिकताक्व”
दे मदा बाक्त।




मिनु योसेफमी निन्द्रा रे सेंसीशा
छुल बोक्शा, मोबु आस कली
लाइशशा मेको, नाकदोन इजीप्त
प्रोकमा बाक्त। मिनु इजीप्त
रागीमी जाकदीशशा, पिप हेरोद
मबेक्म सम्म मेकेर बाक्मा
बाक्त। मो दुम्शोमी
परमप्रभु यावे आ लोव थमा
दुम्माक्त। साइ नेसी
परमप्रभु यावेमी


आ लोव पाइब रे पा “इजीप्त
रे लेत्तो, दे आं तौ कली
ब्रेत्ताकड” दे देंशो बाक्माक्त।



पिप हेरोदमी मार पवा बाक्त देंशा
हना “मेको सोरुल कोवशा जोकब
तुइक्बपुकीमी जोल पाइयीमी
बाक्त” दे तुइशशा चुरमाक्त।





मिनु आन देंशो लोवमी “पिप
मेनॉ जरमेसीब” दे मिम्शा, मेको
पिप दुम्ब आल कली थिन्ने
मचाप्तीके बेथलेहेम सहर एर ओंथ
गाउं डा बर्स निकशी मलाकशो वोंइश
आल नेल्ल आन कली माल्ना
माल्न साइकपाइकमी बाक्त।



मिनु नोले पिप हेरोद बेकमाक्त।
मिनु काबु इजीप्त रागीम बाकशो
योसेफ डोमु तवानु, परमप्रभु यावे
आ स्वर्ग डा गेय पाइबर्मी
“मोबु आस कली लाइशशा,
इस्राएल लेशशा लावो।
आल कली साइक्या
माल्बपुकी बेक्तेकम”
दैमाक्त।




मिनु लेशशा जाकदीशशा,
यहूदीया रागीमी हेरोद
आ तौ अरकीलाउस पिप
दुम्शो बाक्त देंशो नेंशा,
यहूदीया रागीमी
बाक्क्या



हिंमाक्त। मिनु लेंशा
डोममी “यहूदीयामी मबाक्कीन।
गालील रागी लशा बाक्कीन” दे माइक्का
पुंइसे बाक्त। मिनु गालील रागी लमा बाक्त।



मिनु गालील डा नासरथ
सहरमी जाकदीशशा
बाकमा बाक्त। मारदे हना
साइ नेसी परमप्रभु यावे
आ लोव पाइब आन
लोव थमा



दुम्या माल्बाकमाक्त।
मेकोपकीमी “मेको कली
नासरी देंनीम” देंशो बाकमा बाकब।



परमप्रभु यावेमी रागी डा मुर आन कली शुश
दाक्ताक्व। मोपतीके ओ कांडचीक तौ
रागीमी सोइक्ताक्व। सु सुमी मेको
कली थमा सुइक्नीमी, मेकोपुकी
नरक मलाइनीम। तन्न गेना
हना यो परमप्रभु यावे नु
बाक्चा ताइनीम।



रोमी 3:23

मारदे हना नेल्लेमी पाप पाम्तेकम। मोपतीके परमप्रभु यावे आ
छेडछेडम जाकदीन्ने मचाप्नीम।

रोमी 6:23

मरिम्शो पशो आ गाल्च बेक्चा बाक्ब। परमप्रभु यावे आ गेशो
शिशो चहिं इं प्रभु येसु ख्रीस्त रे पा गेना हना यो ब्रॉइशा
बाक्चा बाक्ब।

हिब्रू 9:27

दोपा मुर खेयप का बेक्चा माल्नीमी नु मेको बेक्शा,
निसाफ पचा पुंइसीनीम।



एफिसी 2:8,9

मिनु गोपुकी परमप्रभु यावे आ शिशी तशा, थमा सुइक्तीके पाप रे
ब्रॉइतीनी। मेको इन पतीके ममाइ, परमप्रभु यावेमी मोशा गेशो
बाक्ब। मेको मुरुम पशो ममाइ, मोपतीके सुइ ठेयब लेन्ने
मचाप्नीम।

रोमी 10:9,10

मिनु गोपुकीमी “येसु प्रभु बाक्ब” देंशा इन थुंमी “परमप्रभु यावेमी
मेको कली बेक्शो रे सेंताक्व” दे थमा सुइक्तीनी हना, गे ब्रॉइचा
ताइनीनी। मुरुमी मेको थमा सुइश्शा, ठीके दुम्नीम। मिनु सु सुमी
“येसु आ प्रभु बाक्ब” दे मुरे आन डोंइती देंबा, मेको ब्रॉइचा
ताइनीम, दे तुइक्नय।



यूहन्ना 3:16,17

परमप्रभु यावेमी रागी डा मुर आन कली शुश दाक्ताक्व। मोपतीके आ काँइचीक तौ रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमप्रभु यावे नु बाक्चा ताइनीम। परमप्रभु यावेमी रागी डा मुर आन कली निसाफ पा नरकमी वोइक्चा, दे आ तौ मसोइक्ता। तन्न रागी डा मुर आन कली नरक रे प्रॉइचा कली सोइक्ताक्व।

1 यूहन्ना 5:11-13

मिनु मेको आ सांकछी मार बाक्ब देंशा हना, परमप्रभु यावेमी इं कली गेना हना यो ब्रॉइशा बाक्तीक गेपु। मोदेंशो ब्रॉइशा बाक्तीक आ तौमी पतीके बाक्ब। सु मेको आ तौ नु बाक्बा, मेको गेना हना यो ब्रॉइशा बाक्चा ताइब। सु चहिं परमप्रभु यावे आ तौ नु मबाक्बा, मेको गेना हना यो ब्रॉइशा बाक्चा मताइब। मिनु गेपुकी परमप्रभु यावे आ तौ आ नें कली थमा सुइक्नीनी। मोपतीके गेना हना यो ब्रॉइशा बाक्चा ताइब बाक्नीनी, दे गो इन कली तुइक्पाइक्चा कली ब्रेक्ताक्ड।



मत्ती 1-2; लूका 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Sunuwar Bible (suz) © 2011, Wycliffe Bible
Translators, Inc. All rights reserved.

<https://www.bible.com/bible/789/GEN.1.SUSZ>

©2026 Bible for Children, Inc.

www.M1914.org

www.bibleforchildren.org

